



Llywodraeth Cymru
Welsh Government

Pecyn gwybodaeth i ymgeiswyr

**Iechyd a Gofal Digidol Cymru
Penodi Cadeirydd**

Dyddiad cau: 16:00, 30 Mehefin 2021



**The Commissioner for
Public Appointments**

lechyd a Gofal Digidol Cymru

Cynnwys

Tudalen

Gwneud cais

3-5

Atodiad A: Rôl y Cadeirydd

6-9

Atodiad B: Rôl a chyfrifoldebau lechyd a Gofal Digidol Cymru

10

Atodiad C: Y broses ddethol

11

Iechyd a Gofal Digidol Cymru

Gwneud cais

Diolch i chi am eich diddordeb ym mhenodiad Cadeirydd Iechyd a Gofal Digidol Cymru. Mae hwn yn gyfle cyffrous i arwain Iechyd a Gofal Digidol Cymru, Awdurdod Iechyd Arbennig a sefydlwyd i wneud gwahaniaeth i bobl Cymru drwy ddefnyddio technolegau digidol ym maes iechyd a gofal. Mae gan Iechyd a Gofal Digidol Cymru raglen uchelgeisiol o integreiddio, arloesi a thrawsnewid, gan weithio ochr yn ochr â sefydliadau eraill GIG Cymru a gyda chefnogaeth gref gan Lywodraeth Cymru.

Sefydlwyd Iechyd a Gofal Digidol Cymru o dan Gadeirydd Dros Dro, ac rydym bellach yn bwriadu penodi Cadeirydd parhaol i arwain y Bwrdd drwy ei flynyddoedd cyntaf. Bydd gofyn i'r Cadeirydd newydd ddarparu arweinyddiaeth gref i'r Bwrdd a chynnal gwerthoedd GIG Cymru. Rydym yn chwilio am unigolyn sy'n deall anghenion poblogaeth Cymru a phwysigrwydd sicrhau amrywiaeth, cynhwysiant a hyrwyddo'r Gymraeg. Mae'r Atodiadau sydd ynghlwm yn rhoi manylion ynghylch rôl y Cadeirydd a manyleb y person, a rôl a chyfrifoldebau Iechyd a Gofal Digidol Cymru a'r broses ddethol.

I wneud cais ewch i wefan penodiadau cyhoeddus Llywodraeth Cymru: <https://llyw.cymru/penodiadau-cyhoeddus>.

I wneud cais am y rôl hon, cliciwch ar y swydd wag Iechyd a Gofal Digidol Cymru ac yna cliciwch y botwm 'Gwneud cais' ar waelod y dudalen ar yr ochr chwith. Os mai dyma'r tro cyntaf i chi wneud cais am swydd, bydd angen i chi lenwi ffurflen gofrestru ar gyfer system ceisiadau ar-lein Llywodraeth Cymru drwy'r ddolen uchod. Dim ond unwaith y mae angen i chi gofrestru, a byddwch yn gallu defnyddio eich cyfrif i ddilyn hynt eich cais ac unrhyw geisiadau eraill rydych yn eu cyflwyno.

Ar ôl cofrestru, byddwch yn gallu gweld y ffurflen gais. I wneud cais bydd angen ichi lanlwytho datganiad personol a CV i'r adran 'Rhesymau dros ymgeisio' ar y ffurflen gais ar-lein.

Datganiad personol

Eich datganiad personol yw eich cyfle i ddangos sut yr ydych yn bodloni'r holl feini prawf a nodir ym manyleb y person (Atodiad A). Cewch chi benderfynu sut i gyflwyno'r wybodaeth. Er hynny, fe ddylech geisio darparu enghreifftiau manwl sy'n dangos sut y mae'ch gwybodaeth a'ch profiad yn bodloni pob maen prawf, gan ddisgrifio eich rôl wrth gyflawni canlyniad penodol a sut y byddai hyn yn eich paratoi i gyflawni'r rôl yr ydych yn ymgeisio amdani. Byddai hefyd o fudd i'r panel dethol pe baech yn nodi'n glir pa dystiolaeth benodol sy'n berthnasol i ba faen prawf. Yr arfer cyffredin yw darparu paragraffau ar wahân ar gyfer pob maen prawf, ond nid yw hyn yn hanfodol.

Byddwch cystal â chyfyngu'ch datganiad personol i **1000 o eiriau**. Gallai eich cais gael ei wrthod os byddwch yn mynd dros y terfyn hwn.

CV

Ni ddylai'ch CV fod yn fwy na **3 tudalen**. Dylai gynnwys manylion bras eich swydd bresennol neu eich swyddi mwyaf diweddar a'ch dyddiadau yn y rolau hyn. Nodwch unrhyw benodiadau Gweinidogol presennol neu flaenorol.

Iechyd a Gofal Digidol Cymru

Geirda

Rhowch ddau enw cyswilt y gallwn gysylltu â hwy i ofyn am eirda. Dim ond ar gyfer ymgeiswyr llwyddiannus y byddwn yn gwneud hyn. Er mwyn cadw'r safonau uchaf o ran uniondeb a phriodoldeb, ni allwn dderbyn Aelodau'r Senedd na gweithwyr Llywodraeth Cymru fel canolwyr ar gyfer ceisiadau am aelodaeth o gyrff cyhoeddus.

Amserlen fras

Dyddiad cau:	16:00, 30 Mehefin 2021
Creu rhestr fer:	16 Gorffennaf 2021
Panel Ymgysylltu â Rhanddeiliaid:	18 Awst 2021
Cyfweliadau:	19 ac 20 Awst 2021

Datganiad amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu'r gymdeithas yng Nghymru – pobl o bob cefndir – er mwyn eu helpu i ddeall anghenion pobl a gwneud penderfyniadau gwell. Dyma pam mae Llywodraeth Cymru'n annog ystod eang ac amrywiol o unigolion i wneud cais am benodiadau i gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl ifanc, pobl Ddu, Asiaidd ac Ethnig Leiafrifol, pobl anabl a phobl lesbiaidd, hoyw, deurywiol a thrawsryweddol.

Hyderus o ran anabledd

Mae Llywodraeth Cymru'n derbyn y diffiniad cymdeithasol o anabledd, sy'n cydnabod bod rhwystrau mewn cymdeithas yn gweithredu mewn modd sy'n analluogi pobl sydd â nam neu gyflwr iechyd neu sy'n defnyddio laith Arwyddion Prydain. Rydym wedi ymrwymo i ddileu rhwystrau fel y gall pob un berfformio ar ei orau. Mae Deddf Cydraddoldeb 2010 yn defnyddio'r diffiniad meddygol o anabledd ("nam corfforol neu feddyliol sy'n cael effaith sylweddol a hirdymor ar allu person i gyflawni gweithgareddau arferol o ddydd i ddydd").

Rydym yn gwarantu y byddwn yn cynnig cyfweliad i unrhyw un sy'n anabl os yw ei gais yn bodloni'r meini prawf sylfaenol ar gyfer y swydd. Mae bodloni'r 'meini prawf sylfaenol' yn golygu bod rhaid i chi ddarparu tystiolaeth yn eich cais i ddangos eich bod yn bodloni'r lefel ofynnol o gymhwysedd ar gyfer y rôl ac unrhyw gymwysterau, sgiliau neu brofiadau a ddiffinnir yn rhai hanfodol. Gofynnir i chi nodi yn eich cais a hoffech i'ch cais gael ei ystyried o dan y Cynllun Gwarantu Cyfweliad.

Os oes gennych nam neu gyflwr iechyd neu os ydych yn defnyddio laith Arwyddion Prydain ac yn dymuno trafod addasiadau rhesymol ar gyfer unrhyw ran o'r broses recriwtio hon, cysylltwch â'r Tîm Penodiadau Cyhoeddus drwy anfon e-bost at penodiadaucyhoeddus@llyw.cymru a bydd aelod o'r tîm yn cysylltu â chi i drafod eich gofynion ac i ateb unrhyw gwestiynau sydd gennych.

Cysylltiadau:

I gael rhagor o wybodaeth am y broses ddethol, cysylltwch â:

Y Tîm Penodiadau Cyhoeddus

Yr Uned Cyrff Cyhoeddus

E-bost: penodiadaucyhoeddus@llyw.cymru

I gael rhagor o wybodaeth am rôl y Cadeirydd, cysylltwch â Bob Hudson, Cadeirydd Dros Dro Iechyd a Gofal Digidol Cymru, na fydd yn ailymgeisio am y penodiad hwn,

Iechyd a Gofal Digidol Cymru

neu Ifan Evans, Cyfarwyddwr – Technoleg, Digidol a Thrawsnewid yng Ngrŵp Iechyd a Gofal Cymdeithasol Llywodraeth Cymru.

Ffôn: 07453 978482
E-bost: bob.hudson@wales.nhs.uk

Ffôn: 03000 251496
E-bost: ifan.evans@llyw.cymru

Os oes angen mwy o gymorth arnoch i wneud cais, cysylltwch â'r Tîm Penodiadau Cyhoeddus drwy anfon e-bost at penodiadaucyhoeddus@llyw.cymru.

I gael rhagor o wybodaeth am benodiadau cyhoeddus yng Nghymru, ewch i www.llyw.cymru/penodiadaucyhoeddus.

Penodi Cadeirydd Iechyd a Gofal Digidol Cymru

Disgrifiad o'r rôl

Mae hwn yn gyfle cyffrous i arwain Awdurdod sy'n gyfrifol am wasanaethau a rhaglenni digidol mawr ar draws GIG Cymru. Mae Iechyd a Gofal Digidol Cymru'n atebol am ddarparu gwasanaethau iechyd a gofal digidol hygyrch sy'n canolbwyntio ar y defnyddiwr ac sy'n wydn ac yn ddiogel. Mae'r gwasanaethau hyn yn cefnogi penderfyniadau effeithiol, effeithlon a mwy diogel drwy ddarparu mynediad at ddata a gwybodaeth iechyd a gofal sy'n llawn cynnwys ac sy'n canolbwyntio ar yr unigolyn.

Rôl a chyfrifoldebau

Bydd y Cadeirydd yn atebol i'r Gweinidog Iechyd a Gwasanaethau Cymdeithasol am berfformiad yr Awdurdod a'i lywodraethu effeithiol, am gynnal gwerthoedd y GIG, ac am ennyn hyder y cyhoedd a phartneriaid ledled Cymru.

Bydd Cadeirydd Iechyd a Gofal Digidol Cymru yn:

- **Arwain y gwaith o ddatblygu gweledigaeth strategol** ar gyfer Iechyd a Gofal Digidol Cymru, gan sicrhau bod diwylliant o welliant parhaus a thrawsnewid digidol yn cael ei hyrwyddo ar draws y sefydliad ac yn ehangach ar draws Iechyd a gofal cymdeithasol;
- **Darparu arweinyddiaeth effeithiol a gweladwy, yn allanol ac yn fewnol, i Iechyd a Gofal Digidol Cymru** ar draws ei holl gyfrifoldebau, gan gynnwys hyrwyddo cydraddoldeb, amrywiaeth, cynhwysiant a'r Gymraeg a diwylliant Cymru;
- **Sicrhau bod y Bwrdd yn gweithio'n effeithiol** i herio, craffu a sicrhau darpariaeth weithredol, gan gynnwl ffocws ar nodau strategol, wedi'i hatgyfnerthu gan lywodraethu cryf;
- **Bod yn atebol yn gyhoeddus am berfformiad Iechyd a Gofal Digidol Cymru** yn benodol drwy sicrhau cymeradwyaeth gan y Gweinidog i Gynllun Tymor Canolig Integredig tair blynedd, cynlluniau cyflawni blynyddol a gwerthuso perfformiad yn eu herbyn;
- **Sicrhau bod y Prif Weithredwr yn atebol** am bob un o'i gyfrifoldebau;
- **Gweithio'n effeithiol gyda phartneriaid** yn enwedig gyda Llywodraeth Cymru, sefydliadau GIG Cymru, awdurdodau lleol, y trydydd sector a'r sector preifat a'r byd academaidd a phrifysgolion;
- **Bod yn gyfrifol am ofalu'n briodol am arian cyhoeddus ac adnoddau eraill** y mae'r Awdurdod yn atebol amdanynt;
- **Rhoi sicrwydd bod y Bwrdd yn cael ei lywodraethu'n effeithiol** yn unol â'r fframwaith a'r safonau a bennwyd ar gyfer y GIG yng Nghymru.

Iechyd a Gofal Digidol Cymru

Manyleb y person

Er mwyn cael eich ystyried, rhaid i chi allu dangos bod gennych y priodoleddau, y sgiliau a'r profiad i fodloni pob un o'r meini prawf hanfodol ar gyfer cael eich penodi.

Meini prawf hanfodol

Gwybodaeth a phrofiad

- Profiad o arwain ar lefel uwch mewn amgylchedd iechyd a gofal (er nad yw'n hanfodol, mae profiad o arwain mewn amgylchedd digidol yn ddymunol);
- Y gallu i feithrin gweledigaeth ac arwain y gwaith o ddatblygu strategaethau digidol diffiniedig wrth geisio cyflawni nodau hirdymor a thymor byr;
- Y gallu ddeall materion cymhleth, gan ddangos parch at farn pobl eraill;
- Dealltwriaeth dda o lywodraethu a'r gallu i sicrhau bod aelodau'r Awdurdod yn gweithio'n effeithiol gyda'i gilydd drwy gymryd rhan mewn proses gadarn a thryloyw o wneud penderfyniadau;
- Y gallu i ysgogi a datblygu'r Awdurdod i ddiffinio rolau a chyfrifoldebau er mwyn sicrhau perchnogaeth ac atebolrwydd;
- Ymrwymiad clir i ddeall a hyrwyddo cydraddoldeb, amrywiaeth a chynhwysiant;
- Y gallu i ddangos gwerthfawrogiad o ddwyieithrwydd a diwylliant, ac ymrwymiad i hyrwyddo a phrif-ffrydio'r Gymraeg.

Priodoleddau personol

- Sgiliau rhyngpersonol a dylanwadol cryf, a'r gallu i weithredu fel eiriolwr a llysgennad effeithiol;
- Crebwyll, sensitifrwydd ac ymwybyddiaeth wleidyddol;
- Y gallu i fod yn annibynnol ac yn gadarn.

Y meini prawf sy'n ddymunol

- Y gallu i siarad Cymraeg

Y Gymraeg

Mae sgiliau Cymraeg yn ddymunol ar gyfer y swydd hon:

Deall = 2 - Gallu deall sgysiau sylfaenol am bynciau bob dydd

Darllen = 2 – Gallu darllen deunydd syml am bynciau pob dydd a'u deall

Llafar = 3 – Gallu siarad mewn rhai sgysiau sy'n ymwneud â'r gwaith

Ysgrifennu = 1 - Gallu ysgrifennu negeseuon sylfaenol ar bynciau bob dydd

Bydd disgwyl i bob ymgeisydd ddangos ymrwymiad at gefnogi'r Gymraeg a diwylliant Cymru, a'r gallu i hyrwyddo gwasanaethau iechyd a gofal digidol dwyieithog a datblygu dealltwriaeth o dechnolegau iaith a dylunio ar gyfer defnyddwyr.

Iechyd a Gofal Digidol Cymru

Ffeithiau allweddol am y swydd

Lleoliad

Efallai y bydd yn ofynnol i ddeiliaid y swyddi deithio i'r brif swyddfa yng Nghaerdydd a lleoliadau eraill ledled Cymru i fynychu cyfarfodydd a chyflawni dyletswyddau eraill sy'n gysylltiedig â'r rôl. Mewn ymateb i COVID-19, cynhaliwyd cyfarfodydd hefyd drwy lwyfannau digidol. Lle mae hyn wedi bod yn effeithiol, mae hyn yn debygol o barhau.

Ymrwymiad amser:	14.5 diwrnod y mis
Hyd y penodiad:	4 blwyddyn
Tâl:	£43,326 y flwyddyn ynghyd â chostau teithio a treuliau rhesymol eraill o fewn terfynau cydnabyddedig.

Pwy sy'n cael gwneud cais

Bydd unigolyn yn cael ei ddiarddel o'r penodiad:

- os y'i cafwyd yn euog yn y 5 mlynedd diwethaf yn y DU, Ynysoedd y Sianel neu Ynys Manaw o unrhyw drosedd a'i ddedfrydu i garchar (boed yn garchar gohiriedig neu fel arall) am gyfnod o 3 mis o leiaf a heb gael yr opsiwn o ddirwy;
- os yw'n destun gorchymyn cyfyngu methdaliad neu orchymyn interim neu wedi gwneud cyfaddawd neu drefniant â chredydwyr
- os wedi'i ddiswyddo, ac eithrio pan fo swydd wedi'i dileu neu pan nad adnewyddwyd contract tymor penodol, o unrhyw swydd gyflogedig yn un o gyrff y gwasanaeth iechyd (Noder: ar ôl cyfnod o ddwy (2) flynedd caiff person sydd wedi'i anghymhwysu o dan y ddarpariaeth hon wneud cais ysgrifenedig i Weinidogion Cymru i ddileu'r anghymhwysiad, ond nid oes rhaid i Weinidogion Cymru dderbyn y cais hwn);
- os yw'n aelod presennol o fwrdd corff gwasanaeth iechyd arall yng Nghymru;
- ni fydd y ddeiliadaeth wedi dod i ben cyn cychwyn yn y swydd hon os caiff ei phenodi neu'r
- bwriad yw peidio ag ymddiswyddo o'r swydd honno os caiff ei phenodi.
- os yw'n unigolyn y terfynwyd ei gyfnod fel cadeirydd, aelod neu gyfarwyddwr un o gyrff y gwasanaeth iechyd am reswm heblaw diswyddo, ymddiswyddiad gwirfoddol, ad-drefnu corff y gwasanaeth iechyd, neu bod cyfnod y swydd y penodwyd y person hwnnw ar ei gyfer wedi dod i ben;
- os yw neu wedi wedi'i gyflogi gan un o sefydliadau GIG Cymru yn y 12 mis blaenorol.

Dylai ymgeiswyr hefyd nodi y bydd bod yn aelod o Awdurdod Iechyd Arbennig yn golygu na fyddant yn gymwys i fod yn aelod o Senedd Cymru o dan Orchymyn Cynulliad Cenedlaethol Cymru (Anghymhwysu) 2015.
<http://www.legislation.gov.uk/uksi/2015/1536/contents/made>

Os byddwch yn llwyddiannus, cewch lythyr oddi wrth y Gweinidog Iechyd a Gwasanaethau Cymdeithasol yn eich penodi'n Gadeirydd Iechyd a Gofal Digidol Cymru, a fydd yn cadarnhau'r telerau ar gyfer cynnig y penodiad. Bydd eich penodiad yn destun gwiriad geirda a gynhelir gan Uned Cyrrff Cyhoeddus Llywodraeth Cymru a gwiriad gan y Gwasanaeth Datgelu a Gwahardd a gynhelir gan Bartneriaeth Cydwasanaethau GIG Cymru. Mae presenoldeb yn Rhaglen Gynefino Aelodau Annibynnol y GIG yn orfodol a bydd yn ofynnol i chi fynychu'r cwrs nesaf sydd ar gael.

Iechyd a Gofal Digidol Cymru

Gwrthdaro buddiannau

Bydd gofyn i chi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd yr Awdurdod Iechyd Arbennig, gan gynnwys buddiannau busnes neu swyddi o awdurdod y tu allan i'r rôl yn y Iechyd a Gofal Digidol Cymru.

Bydd unrhyw wrthdaro buddiannau yn cael ei drafod yn y cyfweiliad. Os cewch eich penodi, bydd gofyn i chi hefyd ddatgan y buddiannau hyn ar gofrestr sydd ar gael i'r cyhoedd ei gweld.

Diwydrwydd dyladwy

Bydd Uned Cyrff Cyhoeddus Llywodraeth Cymru yn cynnal gwiriadau diwydrwydd dyladwy ar bob ymgeisydd sy'n cael ei ddioli'n llwyddiannus i gyfweiliad. Bydd hyn yn cynnwys, ond nid o reidrwydd yn gyfyngedig i chwiliadau ar y cyfryngau cymdeithasol a'r rhyngwyd. O ganlyniad, efallai y gofynnir cwestiynau i chi yn y cyfweiliad mewn perthynas ag unrhyw ganfyddiadau diwydrwydd dyladwy.

Safonau mewn bywyd cyhoeddus

Bydd disgwyl i chi arddangos safonau uchel o ymddygiad corfforaethol a phersonol. Gofynnir i bob ymgeisydd llwyddiannus gadw at God Ymarfer Aelodau Byrddau Cyrff Cyhoeddus. Gallwch weld y ddogfen hon yn:

<https://www.gov.uk/government/publications/governance-code-for-public-appointments>

Rôl a chyfrifoldebau Iechyd a Gofal Digidol Cymru

Yn 2018, amlinellodd *Cymru Iachach* ymrwymiad Llywodraeth Cymru i gynyddu'r buddsoddiad mewn iechyd a gofal digidol yn sylweddol. Mae'n nodi meysydd blaenoriaeth ar gyfer buddsoddi, yn disgrifio ymagwedd 'llwyfan agored' newydd tuag at arloesi digidol, ac yn cydnabod yr angen i gryfhau trefniadau arwain a chyflawni cenedlaethol. Mae hyn yn rhan allweddol o drawsnewid y system iechyd a gofal cymdeithasol yng Nghymru sydd wedi dod yn bwysicach fyth fel rhan o'r ymateb i bandemig COVID-19.

Yn 2019, [cyhoeddodd](#) y Gweinidog Iechyd a Gwasanaethau Cymdeithasol y byddai Gwasanaeth Gwybodeg GIG Cymru yn newid ei strwythur presennol fel rhan o Ymddiriedolaeth Felindre, i fod yn Awdurdod Iechyd Arbennig.

“Drwy ddangos bod ein sefydliad gwasanaethau digidol cenedlaethol yn sefydliad pwrpasol, rydym yn adlewyrchu bod technoleg ddigidol yn ffordd bwysig o sicrhau newid, fel yr amlinellir yn Cymru Iachach. Bydd y newid hwn yn cryfhau trefniadau llywodraethu ac atebolrwydd, o ran y berthynas â sefydliadau eraill yn GIG Cymru a drwy fesurau arwain a goruchwyllo cryfach. Gwneir hynny o dan arweiniad aelodau bwrdd a chadeirydd annibynnol sydd â phrofiad a dealltwriaeth o newid digidol.”

Cafodd Iechyd a Gofal Digidol Cymru ei sefydlu ac fe ddaeth yn weithredol o 1 Ebrill 2021.

Mae'r swyddogaethau Iechyd a Gofal Digidol Cymru i'w gweld ar wefan Llywodraeth Cymru yma:

<https://llyw.cymru/cyfarwyddydau-iechyd-gofal-digidol-cymru-2020>

a

<https://llyw.cymru/cyfarwyddydau-iechyd-gofal-digidol-cymru-2021>

Y broses ddethol

Bydd y panel cyfweld yn asesu CV a datganiadau personol yr ymgeiswyr i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gael cyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dethol yn cael ei gadeirio gan Andrew Goodall, Cyfarwyddwr Cyffredinol Iechyd a Gwasanaethau Cymdeithasol, a bydd hefyd yn cynnwys Ifan Evans, Cyfarwyddwr Technoleg, Digidol a Thrawsnewid yng Ngrŵp Iechyd a Gwasanaethau Cymdeithasol Llywodraeth Cymru, a Pippa Britton fel yr Aelod Annibynnol o'r Panel.

Gan ddibynnu ar nifer y ceisiadau a ddaw i law, gallai eich cais gael ei roi ar restr hir, cyn iddo gael ei anfon ymlaen at y panel a fydd yn llunio'r rhestr fer. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu yn ystod Gorffennaf 2021 pwy fydd yn cael eu gwahodd i gyfweiliad ym mis Awst 2021. Cynhelir y cyfweiliadau o bell drwy ddefnyddio Microsoft Teams.

Dim ond yr ymgeiswyr cryfaf sydd, ym marn y panel, wedi dangos orau eu bod yn bodloni'r meini prawf ym manyleb y person a fydd yn cael eu gwahodd i gyfweiliad. Er hynny, os ydych wedi ymgeisio o dan y cynllun gwarantu cyfweiliad, **a'ch bod yn bodloni'r meini prawf hanfodol** ar gyfer y swydd, byddwch hefyd yn cael eich gwahodd i gyfweiliad.

Os cewch eich gwahodd i gyfweiliad ac os nad yw dyddiad y cyfweiliad wedi'i ddarparu eisoes yn y pecyn gwybodaeth, byddwn yn ceisio rhoi cymaint o rybudd â phosibl i chi o ddyddiad y cyfweiliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser yn yr amserlen benodi neu argaeledd y panel dethol.

Byddwch yn cael neges e-bost gan ganolfan benodi Llywodraeth Cymru i roi gwybod i chi a ydych wedi cael eich gwahodd i gyfweiliad ai peidio. Os cewch eich gwahodd i gyfweiliad, bydd y panel yn eich holi am eich sgiliau a'ch profiad, gan ofyn cwestiynau penodol i asesu a ydych yn **bodloni'r meini prawf** a bennwyd ar gyfer y rôl.

Bydd yr ymgeiswyr sy'n addas i'w penodi ym marn y panel yn cael eu hargymell i'r Gweinidog, a fydd yn gwneud y penderfyniad terfynol. Gall y Gweinidog ddewis cyfarfod â'r ymgeiswyr hyn cyn gwneud penderfyniad. Os bydd yn dewis gwneud hynny, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwloch amser rhwng y cyfweiliad a'r penderfyniad penodi terfynol. Cedwir mewn cysylltiad â'r ymgeiswyr a gafodd eu cyfweld er mwyn rhoi'r wybodaeth ddiweddaraf iddynt.

Os byddwch yn llwyddiannus, cewch lythyr yn eich penodi'n Gadeirydd Iechyd a Gofal Digidol Cymru, a bydd y llythyr hwnnw hefyd yn cadarnhau o dan ba amodau y caiff y penodiad ei gynnig i chi.

Iechyd a Gofal Digidol Cymru

Os na fyddwch yn llwyddiannus yn y cyfweiliad, bydd canolfan benodi Llywodraeth Cymru'n rhoi gwybod i chi. Rydym yn gwerthfawrogi bod angen llawer o amser ac ymdrech i ymgeisio am rolau, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth am eich cyfweiliad a'ch cais, os dymunwch wneud hynny.

Ymholiadau

Os oes gennych gwestiynau ynglŷn â'ch cais, cysylltwch â penodiadaucyhoeddus@llyw.cymru.

Os nad ydych yn hollol fodlon

Mae Llywodraeth Cymru'n ceisio prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â penodiadaucyhoeddus@llyw.cymru.

Yn ogystal, gallwch ysgrifennu at Swyddfa'r Comisiynydd Penodiadau Cyhoeddus yn: Office of the Commissioner for Public Appointments, G/08, 1 Horse Guards Road, London SW1A 2HQ.